

veltkirch.¹ Also daz die by allen Jren Rechten gûten gewônhaiten briefen vnd gûtern.wâ dû gelegen sint.gantzlich belyben sont. ân all sumnûss vnd Jerrung.des vorgenanten Grâf hainrichs von Sangâns⁵ vnd siner erben.ochist nâch allen stukken gedinget vnd berett. von siner Grâfschafft vnd / von aller siner lût .gûter gericht vnd gelait wegen. die er vntz. her Jnngehept besessen vnd genossen hât.vnd als sin vordern die an Jn bracht hând daz er vnd sin erben.da by och gantzlich belyben sont.ân allermânglichs sumung vnd Jerrung ân all gevârd vnd sunderlich ist och berett von gelaites / wegen ob Jemant gen veltkirch kâm. der gelaites mûtetti. gen Bludentz²⁴ als gen vadutz.⁶ daz sol er ainem Byderman ze veltkirch¹ enpfelhen.der daz von sinen wegen.Jn sinem namen vnd an siner statt gebi.So er ze veltkirch¹ selb nit ist.vnd ob sich fûgti.daz der selb.dem er daz gelait enpfolhen hett / ze gebent.dehainest och nit ze veltkirch¹ .wâr.So sol vnd mag ain Stattamman ze veltkirch¹ .daz gelait an siner statt vnd von sinen wegen denn geben wer des gert.vnd daz gelait sol er allweg schirmen.als ob er es selber geben hab vnd daby gewesen sig ân all gevârd.Es hât och der vorgenant / Grâf hainrich von werdenberg⁵ von Sangâns hier³ber ze merer sicherhait offentlich geschworn ainen gelerten ayd ze den hailigen mit vfferhabner hând. all vorgeschriben bedingden stuk vnd artikkel.vest vnd stât ze habent da by ze belybent vnd dawider niemer ze koment noch ze tûnd noch mit / niemant anderm schaffen getân. mit enkainen sachen suss noch so ân all gevârd. Jch vorgenanter Rainhart von wâgingen lantvogt .hab och ze merer sicherhait an der vorgenanten miner herrschafft von ôsterrich statt. gelopt vnd verhaissen by minen gûten trûwen Jn aydes wyse. by aller dirr vorgeschribenn tâding von miner herrschafft / wegen gar vnd gantzlich ze belybent ân all gevârd.Vnd des alles ze wârem vnd offem vrkûnd. vnd ze ainer bestâten vesten sicherhait.so hab ich vorgenanter lantvogt min Jnsigel offentlich gehenkt an disen brief.der ward ze veltkirch¹ geben.des Jâres.do man zalt von Cristus gebûrte drûzehenhundert vnd / Jm Nûntzgosten Jâr an dem nâchsten Samstag vor sant Thomans tag des hailigen zwelffbotten vor wihennâchten .j.

Übersetzung

Ich Reinhart von Wâgingen, Landvogt, des hochgeborenen, durchleuchtigen Fürsten Herzog Albrechts, Herzogs zu Österreich² etc. meines gnädigen Herren tue kund jedermann und bekenne das öffentlich mit dieser Urkunde, als mich derselbe mein gnädiger Herr herauf zu seinen Landen hier diesseits des Arlbergs mit ganzer Vollmacht geschickt hatte, dass ich da anstatt und im